

Američka Vlada finansirala obnovu škola u Brčkom

Predstavnici Kancelarije za saradnju u oblasti odbrane (ODC) iz Američke ambasade u Sarajevu posjetili su danas Brčko Distrikt BiH i obišli lokacije na kojima su završeni projekti koje je finansirala kancelarija ODC-a. Šef ODC-a, major David Galles, posjetio je Ekonomsku školu i Prvu osnovnu školu u Brčkom, a sastao se i sa šefom Odjeljenja za obrazovanje Vlade Distrikta, gospodinom Esadom Atićem i zamjenikom šefa kancelarije OHR-a Brčko, gospodinom Gerhard Sontheim-om.

U 2002. godini, ODC je finasirao projekat rekonstrukcije dva objekta: Prve osnovne škole i Ekonomske škole. Vrijednost projekta je 400.000 KM.

“Drago mi je da su Sjedinjene Američke Države mogle pomoći u rekonstrukciji ovih škola. Ono što je u Brčkom urađeno po pitanju integracije je pravi primjer za cijelu Bosnu. Kad pogledate projekte kao što su ovi, zaista je očigledno da se nešto učinilo, ne samo za učenike Brčko Distrikta nego i za cijelu Bosnu. Takođe mi je drago što su potrebe djece stavljene na prvo mjesto,” rekao je major Galles.

Major Galles najavio je da Kancelarija za saradnju u oblasti odbrane trenutno razmatra mogućnosti podrške budućim projektima u Brčko Distriktu.

Tokom prošle tri godine ODC je finansirao pet projekata u Brčko Distriktu koji se odnose na škole i bolnicu. Ukupna vrijednost ovih investicija je 850.000 KM. Ovi projekti su izabrani i implementirani u saradnji sa kancelarijom OHR-a Brčko.